



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: UP-I/25-3-40-334-6/21
Datum: 01.10.2021. godine

«Agencija za vodno područje rijeke Save» Sarajevo rješavajući po zahtjevu pravnog lica «SARAJEVOPUTEVI» d.d. Sarajevo za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije poslovnog objekta sa pratećim sadržajima – radna jedinica Mehanizacija, izgrađenog u ulici Kamenolom broj 2, općina Ilidža, Kanton Sarajevo, na osnovu člana 109. stav (1) tačka 2. Zakona o vodama («Službene novine Federacije BiH, broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Pravnom licu «SARAJEVOPUTEVI» d.d. Sarajevo daje se vodna dozvola za ispuštanje tehnoloških otpadnih voda i oborinskih onečišćenih voda sa lokacije poslovnog objekta sa pratećim sadržajima – radna jedinica Mehanizacija namjene za remont i servis kamiona, građevinske mehanizacije i sl., izgrađenog na zemljištu označenom kao k.č. broj 440/3, 444/1 i 444/4 K.O. Blažuj, općina Ilidža, Kanton Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene tehničke i druge dokumentacije, izvršenog uviđaja na lokaciji objekta, priloženim dinamičkim planom i pod slijedećim uslovima:
 - 3.1. Da se upotreba i korištenje predmetnog poslovnog objekta vrši u skladu sa urađenom projektnom dokumentacijom koja je služila kao podloga za davanje ove vodne dozvole.
 - 3.2. Da korisnik u toku važenja ovog Rješenja obezbijedi da se kompletira sistem za prikupljanje, prečišćavanje i ispuštanje tehnoloških otpadnih voda i oborinskih onečišćenih voda u definisani recipijent u skladu sa urađenom investiciono tehničkom dokumentacijom, a koja je služila u postupku izdavanja ovog Rješenja, do 19.12.2023. godine.
 - 3.3. Da se prema datom dinamičkom planu – spisak aktivnosti i mjera za smanjenje emisija realizira prema rokovima i u obimu navedenom u premetnom planu, a u cilju zadovoljenja uslova za ispuštanje otpadnih voda u prirodni recipijent.
 - 3.4. Da se sav opasni otpad – uljne emulzije, istrošena motorna ulja, nauljene krpe, otpad nastao u procesu rada, otpad nakon čišćenja i održavanja i sl., redovno prikuplja i propisno privremeno skladišti u odgovarajuće spremnike, do krajnjeg, ekološki prihvatljivog zbrinjavanja od strane ovlaštene firme prema sačinjenom ugovoru.
 - 3.5. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode)
 - 3.6. Osigurati priručna sredstva za brzu intervenciju u slučaju nekontrolisanog istjecanja opasnog otpada, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
 - 3.7. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će

- obezbjediti njihovu potpunu ispravnost i funkcionalnost, kako bi se zadovoljio propisani kvalitet efluenta.
- 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
- 3.9. Prečišćena otpadna voda mora ostati u maksimalno dopuštenim granicama definiranim članom 15. Uredbe o uslovima ispuštanja otpadnih voda u okoliš i sisteme javne kanalizacije.
- 3.10. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 3.11. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačke 12., 13. i 14. tabele. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta «SARAJEVOPUTEVI» d.d. – Radna jedinica Mehanizacija Sarajevo, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske stanice obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama i članu 26. stav (1) Uredbe o uslovima ispuštanja otpadnih voda u okoliš i sisteme javne kanalizacije, se daje sa rokom važenja do 19.12.2023. godine.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

Obrazloženje

Pravno lice «SARAJEVOPUTEVI» d.d. Sarajevo se pismenim putem obratilo ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije poslovnog objekta sa pratećim sadržajima – radna

jedinica Mehanizacija namjene za remont i servis kamiona, građevinske mehanizacije i sl., izgrađenog na zemljištu označenom kao k.č. broj 440/3, 444/1 i 444/4 K.O. Blažuj, općina Ilidža, Kanton Sarajevo.

U provedenom postupku dostavljena je i pregledana slijedeća dokumentacija:

- Ovjerena kopija Rješenja o izmjenama podataka u sudski registar Općinskog suda u Sarajevu, broj: 065-0-Reg-20-002347 dana 01.09.2020. godine;
- Ovjerena kopija uvjerenja o poreznoj registraciji izdatog od strane Porezne uprave – Kantonalni ured Sarajevo dana 17.08.2006. godine;
- Ovjerena kopija uvjerenja o poreznoj registraciji d.d. „SARAJEVOPUTEVI“ Sarajevo, RJ Blažuj, Ilidža, izdatog od strane Porezne uprave FBiH – Kantonalni porezni ured Sarajevo dana 30.12.2016. godine;
- Ovjerena kopija Uvjerenja o registraciji/upisu u Jedinostveni registar obveznika indirektnih poreza, broj: 04/1-UPP/1-5706/07 od 01.08.2007. godine izdatog od strane Uprave za indirektno-neizravno oporezivanje Banja Luka;
- Kopija Rješenja o urbanističkoj saglasnosti za dogradnju i nadziđivanje Punkta za održavanje puteva u Blažuju, donesenog od strane Komisije za urbanizam, stambeno-komunalne, imovinsko-pravne i geodetske poslove Opštine Ilidža, broj: 04/3-364-4/87 dana 15.05.1987. godine;
- Kopija Rješenja o produženju važnosti Rješenja o urbanističkoj saglasnosti, donesenog od strane Komisije za urbanizam, stambeno-komunalne, imovinsko-pravne i geodetske poslove Opštine Ilidža, broj: 04/3-364-903/88 dana 12.10.1988. godine;
- Kopija zemljišnoknjižnog izvadaka izdatog od strane Zemljišnoknjižnog ureda Općinskog suda u Sarajevu, broj: 52453/21 dana 24.06.2021. godine;
- Kopija Saglasnosti na projektnu dokumentaciju – Glavni projekat, date od strane KJKP „Vodovod i kanalizacija“ d.o.o. Sarajevo, broj: 4191/20 dana 13.01.2021. godine;
- Kopija obavještenja – odgovora na zahtjev, datog od strane KJKP „Vodovod i kanalizacija“ d.o.o. Sarajevo, broj: 1940/21 dana 08.06.2021. godine;
- Kopija Rješenja o prethodnoj vodnoj saglasnosti donesenog od strane Agencije za vodno područje rijeke Save, broj: UP-I/25-1-40-500-3/18 10.10.2018. godine;
- Kopija Rješenja o prethodnoj vodnoj saglasnosti donesenog od strane Ministarstva privrede Kantona Sarajevo, broj: 07-04-25-13833/18 dana 01.02.2019. godine;
- Glavni projekat vanjskih instalacija vodovoda i kanalizacije za Radnu jedinicu Mehanizacije Sarajevoputevi d.d., urađen od strane projektne kuće „ES HYDROTECHNICS“ d.o.o. Sarajevo, decembar 2020. godine;
- Konačni Izvještaj o izvršenoj reviziji projektne dokumentacije - Glavni projekat vanjskih instalacija vodovoda i kanalizacije za Radnu jedinicu Mehanizacije Sarajevoputevi d.d., urađen od strane „Zavod za vodoprivredu“ d.d. Sarajevo, decembar 2020. godine;
- Dokaz o uplaćenju upravnoj pristojbi.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20) izvršen je obilazak predmetne lokacije i tom prilikom je sačinjen zapisnik o uviđaju broj: UP-I/25-3-40-334-2/21 dana 20.08.2021. godine i konstatovano slijedeće:

Predmetni objekat sa pratećim sadržajima – upravna zgrada, servisne radionice, magacini, saobraćajne, parking i manipulativne površine, izgrađen je u naselju Blažuj, na zemljištu označenom kao k.č. broj 440/3, 444/1 i 444/4 K.O. Blažuj, općina Ilidža, Kanton Sarajevo. Osnovna djelatnost firme je remont i servis kamiona, građevinske mehanizacije i sl..

U servisnoj radionici se vrši i zamjena rabljenih motornih ulja, koja se prikupljaju direktno u rezervoar za otpadna ulja, te se pakuju u metalnu burad. Zbrinjavanje i odvoz rabljenih motornih ulja, zauljenih krpa, uljnih filtera i sl. iz servisnih radionica se vrši od strane lica ovlaštenog za ovu vrstu djelatnosti „AIDA COMMERCE“ d.o.o. Sarajevo.

Na predmetnoj lokaciji nastaju oborinske onečišćene vode koje slobodno otiču po okolnom terenu. Tehnološke otpadne vode nastaju od pranja motora, alata, opreme i sl. sa lokacije servisnih radionica i platao gdje se vrše opravke i remont. Te vode slobodno otiču po okolnom terenu. Na predmetnom lokalitetu nije izgrađena kanalizaciona mreža za prihvatanje otpadnih voda – oborinskih i tehnoloških, niti je ugrađen uređaj za tretman tih voda.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva rješenja, propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima, načinu izdavanja i čuvanja vodnih akata i odredbama člana 3. tačka s) i tačka cc) i člana 13., 14. i 26. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva «SARAJEVOPUTEVI» d.d. Sarajevo – Radna jedinica Mehanizacija, ispunio minimum uslova za izdavanje vodne dozvole za ispuštanje tehnoloških otpadnih voda i oborinskih onečišćenih voda u prirodni recipijent, te je riješeno kao u dispozitivu ovog Rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

**Po ovlaštenju Rukovodilac sektora za
izdavanje vodnih akata**



Haris Ališehović, dipl.inž.građ.

PRILOG: Glavni projekat vanjskih instalacija vodovoda i kanalizacije za Radnu jedinicu Mehanizacije Sarajevoputevi d.d., urađen od strane projektne kuće „ES HYDROTECHNICS“ d.o.o. Sarajevo, decembar 2020. godine i Konačni Izvještaj o izvršenoj reviziji projektne dokumentacije - Glavni projekat vanjskih instalacija vodovoda i kanalizacije za Radnu jedinicu Mehanizacije Sarajevoputevi d.d., urađen od strane „Zavod za vodoprivredu“ d.d. Sarajevo, decembar 2020. godine;

Dostaviti:

- «SARAJEVOPUTEVI» d.d. Sarajevo, Mustajbega Fadilpašića 17, 71000 Sarajevo
- 🕒 AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava